



Број: 01/3-50-3-3-12/16

Сарајево, 7.12.2016.

Z A B I L J E Š K A

s radnog sastanka Komisije za vanjsku trgovinu i carine Predstavničkog doma PSBiH u Regionalnom centru Mostar Uprave za indirektno oporezivanje BiH, održanog 7. decembra 2016. godine

Na 12. sjednici Komisije za vanjsku trgovinu i carine (u daljnjem tekstu: Komisija), održanoj 2.11.2016., zaključeno je da će članovi Komisije u narednom periodu organizirati posjete regionalnim centrima Uprave za indirektno oporezivanje BiH redoslijedom: Tuzla, Mostar, Sarajevo, Banja Luka, o čemu će blagovremeno obavijestiti UIOBiH, a povodom Informacije UIOBiH i dopisa špeditera i firmi uvoznika polovnih motornih vozila s područja Regionalnog centra Tuzla.

Sastanak je održan u prostorijama Regionalnog centra Mostar, s početkom u 11,15 sati.

Sastanku su prisustvovali: predsjedavajući Komisije Šemsudin Mehmedović, prvi i drugi zamjenik predsjedavajućeg Komisije Nenad Lalić i Nikola Lovrinović, te članovi Komisije Mensura Beganović i Zaim Backović, sekretarka Komisije Mirjana Crnjak, stručni savjetnik u Komisiji Radomir Marjanović i šef Odjela za informiranje Sektora za odnose s javnošću u Sekretarijatu PSBiH Zoran Žuža.

Opravdano su odsustvovali: Safer Demirović, Nikola Špirić, Mirsad Mešić i Miroslav Milovanović.

Iz Regionalnog centra Mostar sastanku je prisustvovao šef Odsjeka za carine Mirko Barišić i šef Grupe za kontrolu Odsjeka za carinske poslove Husein Dadić.

Iz Uprave za indirektno oporezivanje BiH Banja Luka nisu se odazvali pozivu iako su uredno pozvani.

Svrha radnog sastanka je detaljnije upoznavanje članova Komisije o načinu, uslovima rada i problemima s kojima se Regionalni centar Mostar susreće, te o aktivnostima, nadležnostima, i planovima.

U ime Komisije Šemsudin Mehmedović pozdravio je prisutne i istakao da je ključni razlog zakazivanja sastanka raspravljanje o dopisu špeditera i firmi uvoznika polovnih motornih

vozila s područja Regionalnog centra Tuzla u kojem navode neravnopravan odnos i status u vezi s nekim instrukcijama koje su date pojedinačno, a suprotne su Zakonu o carinskoj politici.

Cilj sastanka je upoznati se sa uslovima rada i problemima s kojima se Regionalni centar Mostar susreće, funkcioniranjem carinskih ispostava te strukturom zaposlenih, nacionalnom i kvalifikacionom.

Naročito interesovanje iskazao je prema problemima carinjenja automobila, tekstila, kafe i alkohola, odnosno visokoakcizne robe.

Dobrodošlicu članovima Komisije poželio je šef Odsjeka za carine Mirko Barišić i prezentirao osnovne pokazatelje poslovanja Centra, prihod i strukturu prihoda po vrstama robe i vrstama dažbina. Također, prezentirao je i količinske pokazatelje po vrstama robe, upoređujući ih s prethodnim periodom. Osnovni pokazatelj poslovanja je više od 637 miliona KM prihoda, što je za oko 50 miliona KM više nego u istom periodu prošle godine.

Naglasio je da su u Regionalnom centru, zahvaljujući uspostavljenom funkcioniranju sistema interne kontrole, uspješno otklonili nedostatke koje je u svojim izvještajima uočila revizija. Zahvaljujući takvom načinu rada i striktnoj primjeni propisa, mogućnosti manipulacija i prevara svedena su na minimum.

S obzirom na to da je članove Komisije interesirala i kadrovska problematika, odnosno struktura zaposlenih, predstavnici Centra obavijestili su članove Komisije da Izvještaj o poslovanju RC s finansijskim i količinskim pokazateljima i nacionalnom strukturom zaposlenih, kako za tekući tako i za prethodni period, Komisija može tražiti od Centralnog ureda, kojem RC redovno dostavlja podatke.

U raspravi su učestvovali: Nenad Lalić, Mensura Beganović, Nikola Lovrinović, Zaim Backović i Husein Dadić.

Nakon rasprave, Šemsudin Mehmedović obavijestio je prisutne da je Komisija održala sastanak u Regionalnom centru Tuzla, da je 8.12.2016. planiran sastanak u Regionalnom centru Sarajevo, a naredne sedmice u Regionalnom centru Banja Luka kao i Glavnom uredu UIO Banja Luka.

Na osnovu saznanja s ovih sastanaka, Komisija će sačiniti i usvojiti zaključke i postupiti u skladu s nadležnostima Komisije.

Ovaj prijedlog prisutni članovi Komisije jednoglasno su prihvatili.

Sastanak je završen u 13 sati.

Sekretarka Komisije
Mirjana Crnjak

Predsjedavajući Komisije
Šemsudin Mehmedović